
CODICES LITURGICI.

788 ——— 959.

DCCLXXXVIII.

- ⁴¹⁴ **C**odex membraneus lat. Sec. XII. Folior. 38. 4. eleganter exaratus, rubricisque distinctus praemisso Capp. LXIII. Elencho inscribitur: *Incipit Micrologus de ecclesiasticis observationibus. In primis de officio missae. C. I. rubrica: De introitu ad missam. Initium: Presbiter cum se parat ad missam. iuxta romanam consuetudinem decantat psalmos &c. Finis totius Operis: ut iuxta euangelium eiusdem diei de V. panibus cum quinque milibus hominum saturari mereamur. Edidit illud integrum sub Micrologi titulo primus Jac. Pamelius Antwerp. 1560. 8. Ex eo Melch. Hittorpius in suam Ecclesiast. Officior. Συλλογην recepit Colon. 1568. f. Alias Editt. vide Fabric. Bibl. med. Lat. L. XII. p. 78. Circa Autorem in varias abiere sententias Eruditi; dum Codd. mss. indicio quidam Rabanum, alii Joannem quendam Ep. Bernoldum Presb. Constantiensem, Bernonem Augiens. Guidonem Aretinum nominarent, donec Henr. Whartonus proferret vetustum Biblioth. Lambethanae Exemplar Ivonis Ep. Carnotensis nomine insignitum, in quem operis κειμήλια magis conspirant, quam in quemvis alterum; nam et Galium fuisse Autorem citatus c. 11. Ordo Gallicanus manifestum facit, et cum Gregorio VII. Pont. Rom. egisse verba illa c. 14. Sicut nos ipsi per ipsum et per Episcopos, qui eum imitati sunt, accepimus &c. declarant; et Opus jam defuncto Gregorio suscepisse inde patet, quod hunc eod. loco reuerendae memoriae Papam adpellet, quo*

quorum nihil *Ivoni* repugnat, qui anno demum 1115. e vivis abiit. Adi *Wbartoni Auctarium* in *Jac. Ufferii Hist. dogm. Controv. de Scripturis et Sacris vernac.* Lond. 1690. p. 359. et 395. ubi leges, in *Cod. Lambeth.* praecedere VIII. *Capita* de Chori Officiis, quae lucem haecenus non adspexere, deesse praeterea in *Editis C. ultimum Micrologi*, quo de *Missae* singularumque ejus partium Autoribus agitur. Atqui et istud C. et VIII. illa praecedentia a nostro quoque *Cod.* absunt. Quanquam suspicer *C. ultimum* ab alio aliquo temere adfuturum, cum jam per operis decursum passim Auctores partium *Missae* commemorentur. Probatur ceterum lectionis est *Noster*, maloque cum illo c. 2. *Deo dicatae*, quam *dicati*. C. 4. *dicere deberemus*, quam *debemus* &c.

DCCLXXXIX.

550 Codex membraneus lat. Sec. XII. Folior. 162. 4. nitide scriptus, rubricisque distinctus complectitur sequentia: I. praemisso *Capp. LXIV.* indiculo, *Incipit micrologus de ecclesiasticis observationibus, in primis de officio missae.* Absunt igitur VIII. illa de Officio Chori *Capita*, quae in *Cod. Lambeth.* praevia se reperisse testatur *Henr. Wbartonus*, ut diximus ad *Cod.* praeced. *Indiculus Capp.* ad verbum cum eo conspirat, qui in *Melch. Hittorpii Collect. Liturgica, Colon.* 1568. p. 436. f. legitur. Initium Textus

est: *Presbiter cum se parat ad missam iuxta romanam consuetudinem &c. C. 2.* habetur: *deo dicatē pro dicati. C. 3. collectam populi multitudinem pro collectam populi. C. 4. dicere deberemus pro debemus, et aliquam traditionem pro rationem &c.* quae dignum probant, ut totus cum *Editis* conferatur. At vero pretium ei ex fine adcrefcit; dum enim *Jac. Faber Parisiis* 1510. et *Job. Cochlaeus Mogunt.* 1549. XXII. duntaxat *Micrologi Capita* ederent, *Jac. autem Pamelius Antwerp.* 1560. ea ad numerum LXII. augeret, *Codex* noster duo saltem superaddit nec in *Cod. Lambethano* contenta *Capita*, quorum *Summaria* ex *Indiculo supracit.* adscribo: LXIII. *Quot dominicae dominico aduentui sint ascribendae. L. XIII. Quot ebdomadae dominico aduentui deputentur.* *Caput* prius incipit: *Sunt quidam qui primam dominicam de aduentu domini adeo aliquando anticipant. ut predictam preparationis dominicam non quintam sed sextam ante natalem domini ponant &c.* Alterum: *Legitur etiam a sanctis patribus mystica auctoritate sancitum ut aduentus domini non nisi trium ebdomadatum completionem celebretur. &c.* Addit tamen *quartam partim attingendam*, idque auctoritate *Gelasii, Gregorii, Hilarii et Hieronymi* utroque *Capite* stabilit. Fateor, dum lectionem ingrederer, venisse mihi in mentem *Bernonis Abb. Augiens.* cujus in hoc argumento *Epistolam ad Aribonem Archiep. Mogunt.* vulgaverat *Cl. Pezius Tbes.*